

D^a ROSA-ANA PRADA QUEIPO SECRETARIA DO CONCELLO DE AMES NA PROVINCIA DA CORUÑA

CERTIFICO: QUE O PLENO DESTE CONCELLO LEVOU A CABO SESIÓN EXTRAORDINARIA E URXENTE O 19 DE XULLO DE 2010, DESA REUNIÓN REDACTOUSE A CORRESPONDENTE ACTA QUE É DO TEOR LITERAL SEGUINTE.

ACTA DA SESIÓN EXTRAORDINARIA E URXENTE LEVADA A CABO POLO PLENO DO CONCELLO O DÍA 19 DE XULLO DE 2010.-

No Salón de Sesiós da Casa do Concello de Ames, ás trece horas (13:00) do día dezanove de xullo de dous mil dez, reúnese o Pleno do Concello en sesión extraordinaria e urxente de primeira convocatoria, baixo a presidencia do Sr. alcalde don **Carlos Antonio Fernández Castro** e coa asistencia dos señores concelleiros/as seguintes:

Grupo municipal socialista	Grupo municipal do Partido Popular	Grupo municipal do BNG
Patricia Conde Lois Carmen Fraga Crespo M ^a Isabel González Cancela José Manuel Miñones Conde Gustavo Nieto Santiago Úrsula Seijas Seoane José Varela Abeledo Francisco Villaverde Marcos	Santiago V. Amor Barreiro M ^a Dolores Fernández Álvarez Ramón García Argibay Emilio Martínez Carballeira Bernardo Moar Míguez Alfonso Rey López Ana Ruso Valiña	Olalla Alvite del Río David Santomil Mosquera Mercedes Vidal Baamonde

Non asisten pero xustifican a súa ausencia os concelleiros do grupo municipal do BNG don **Xosé Manuel Fernández López** e don **Vítor Vicente Díaz**.

Actúa como **secretaria** a titular da Corporación dona Rosa-Ana Prada Queipo.

Asiste a señora **interventora** dona María del Carmen Castro Louzao. Non asiste o señor tesoureiro don Santiago González Prado por atoparse de vacacións.

O señor alcalde don **Carlos Antonio Fernández Castro** saúda a todas e todos os presentes e da comezo a sesión extraordinaria e urxente do Pleno municipal correspondente ó día 19 de xullo de 2010.

Toma a palabra o señor alcalde don **Carlos Antonio Fernández Castro** para dicir que esta sesión foi convocada por vía extraordinaria e urxente habida conta da conveniencia para os intereses do concello e dos particulares afectados en resolver o antes posible o asunto incluído na orde do día.

Punto primeiro.- Ratificación da urxencia da convocatoria.

O señor alcalde don **Carlos Antonio Fernández Castro** outorga a palabra á concelleira de Economía e Facenda dona **Patricia Conde Lois**, que introduce o asunto dicindo substancialmente que como se dixo por parte da presidencia, se trata da adxudicación dunha operación de endebedamento para o financiamento de gastos por operacións correntes declarados necesarios e urxentes. Habida conta da existencia de provedores afectados por este expediente, que trasladaron ao goberno a urxencia xa que, pois teñen que facer fronte a pagos e obrigas tributarias antes do día 20 e antes de fin de mes, convocouse pola vía de urxencia tanto a comisión informativa como o pleno para poder adxudicar o expediente xa que unha vez que todos os trámites previos foron realizados, non conviña esperar dúas semanas ata o pleno ordinario.

O pleno da corporación, por unanimidade dos seus membros presentes, adopta o acordo de ratificar a urxencia da convocatoria.

Punto segundo.- Adxudicación dunha operación de endebedamento para o financiamento de gastos por operacións correntes declarados necesarios e urxentes, por importe de 957,875'48 €.

Intervén a concelleira de Economía e Facenda dona **Patricia Conde Lois** para dicir substancialmente que os trámites iniciais deste expediente datan xa do pleno de 29 de abril, en que se aprobou unha modificación de crédito para financiar gastos correntes necesarios e urxentes, e unha vez transcorrido o prazo de exposición pública sen que foran presentadas alegacións, no pleno de 28 de xuño procedeuse a dar inicio ao expediente e se aprobaron as bases para contratar esta operación de endebedamento. Foron cursadas as invitacións para presentación de ofertas, rematando o prazo o 9 de xullo, e o día 12 se procedeu á acta de apertura das ofertas económicas.

Presentada unha única oferta, se propón a adxudicación á entidade Banco Gallego S.A. , que ofrece un tipo do 3'5% no primeiro trimestre con un euribor a 3 meses e o 2'75% no resto dos trimestres, coa característica de que a amortización se realizaría integramente ao vencemento. Os servizos técnicos analizaron a oferta, e ao non haber ningún tipo de obxección e cumpríndose os criterios establecidos nas bases, se convocou pola vía extraordinaria e urxente a comisión informativa permanente de Facenda, Persoal, Reforma administrativa e Especial de Contas o día 16 de xullo co fin de analizar esta operación de endebedamento, a cal se ditaminou afirmativamente, sendo convocada esta sesión plenaria polo procedemento extraordinario e urxente polos argumentos xa explicados.

O señor alcalde don **Carlos Antonio Fernández Castro** abre unha primeira quenda de intervencións outorgando a palabra á concelleira do grupo municipal do BNG dona **Olalla Alvite del Río**, que substancialmente di que ao seu grupo municipal, en canto á argumentación da urxencia lle parece bastante increíble que ao goberno municipal lle faga falla que os afectados lles trasladen a situación de urxencia que atravesan, pois o goberno xa debería coñecerla e ser mais considerado coas pequenas e medianas empresas. En canto á argumentación da premura polo pago de IVE, di que o día 20 é mañá.

Di tamén que o BNG está a favor de que o asunto saia adiante e por iso apoiou a ratificación da urxencia, pero quere deixar constancia de que a situación xa ven de lonxe. Que unha das condicións *sine qua non* que puxo o BNG para chegar ao acordo de aprobación do orzamento municipal 2010 foi que o goberno regularizase os pagos a provedores nun máximo de 90 días, aínda que a súa primeira proposta recollía un prazo mais curto.

Di que na actual lexislatura o goberno trouxo a pleno un total de catro recoñecementos extraxudiciais, e o BNG xa dixo en moitas ocasións que non é unha fórmula que lle satisfaga e que evidencia o fracaso na xestión económica, outorgando unha mala fama ao concello. En todas as ocasións, o BNG, por responsabilidade e por solidariedade coas empresas, facilitou ao goberno a aprobación destes recoñecementos extraxudiciais, e hoxe, se trae esta fórmula que permite financiar outro recoñecemento extraxudicial. O BNG agarda que sexa xa unha solución definitiva, e o mal que se ven arrastrando ano tras ano chegue ao seu fin, por tanto, en coherencia, vai permitir a adxudicación deste crédito.

Remata dicindo que se trata dun crédito a curto prazo, e, como xa argumentou o seu grupo municipal, isto supón que vindeiras lexislaturas non se vexan prexudicadas por el, xa que ten que ser amortizado en maio de 2011.

Intervén o voceiro do grupo municipal popular don **Santiago Amor Barreiro**, que di que cando se aprobou inicialmente este expediente, cando se fixeron as correspondentes modificacións de crédito e mesmo cando se aprobaron os

orxamentos, o grupo municipal popular xa deixou manifesta e clara a súa postura respecto destes temas, como tamén fixo cando viñeron a pleno outros recoñecementos extraxudiciais de crédito.

Intervén a concelleira de Economía e Facenda dona **Patricia Conde Lois**, que contesta ao manifestado pola concelleira do grupo municipal do BNG que este expediente se trae a este pleno non só motivado polas chamadas dos afectados, senón no momento en que os trámites previos están xa realizados. É certo que os provedores trasladaron ao goberno a súa situación, que evidentemente non é de agora, como concelleira de Economía e Facenda é ben coñecedora. A situación foi tida en conta para axilizar a tramitación dunha operación que, como xa indicou, ven dende o mes de abril, e ultimados os trámites e contando o expediente co visto e prace dos técnicos, o goberno non podía esperar dúas semanas para rematar a operación no pleno ordinario.

Toma a palabra o señor alcalde don **Carlos Antonio Fernández Castro** para manifestar que a proposta de adxudicación que vai ser sometida a votación a continuación precisa acordo plenario por maioría absoluta do número legal de membros da corporación municipal.

Rematadas as intervencións o pleno da corporación por maioría absoluta, cos votos a favor dos 9 membros do grupo municipal socialista e dos 3 membros presentes do grupo municipal do BNG e a abstención dos 7 membros do grupo municipal popular, adopta os seguintes acordos:

Primeiro.- Adxudicar á entidade bancaria Banco Gallego S.A. a operación de endebedamento para o financiamento de gastos por operacións correntes declarados necesarios e urxentes, por importe de 957.875'48 €, operación cuxas bases de licitación foron aprobadas en sesión plenaria de 28 de xuño de 2010.

Segundo.- Facultar ao señor alcalde presidente Carlos Antonio Fernández Castro para cantas actuacións de trámite sexan precisas para a mellor execución do acordado.

E non habendo mais asuntos de que tratar, o señor alcalde presidente dou por rematado o acto e levantou a sesión ás trece horas e vinte minutos do día dezanove de xullo de 2010, de todo o que eu como secretaria certifico.

Vº Prace
O alcalde,

A secretaria